

جريدة محاكم

جمعة ايرتسي

نومرو	ذی القعدة	سنة	شباط	سنة	صفحة
۱۰۷۲	۹	۱۳۱۷	۲۶	۱۳۱۵	۱۵۴۶۹

(اشهر غزوة بهر هفته جمعة ايرتسي كونلري يقار . منلكي در سعادت ايجوده مجيدية بكرمي غروسه)
 (مساليد التمه غروسدر . طرهر ايجوده اوده بسره غروسه بوسه اجرتي ضم اولنور . بهر)
 (نسفسي يه مجيدية بكرمي غروسه اولوه اوزره بوزياره بهر برده صايلور . درج اولنجه اعلوانلك)
 (هر برنده بهر مجيدية اخذ اولنور . منلكه مشتري اولوه استباندر عدليه نظارتی داره مندره لائيه جسرده)
 (محاكم اداره مندره مراجعت ابلهيدر .)

پشينا ايفا ايللري اقتضا ايدجكي اخطار واعلان
 اولنور .

اخطار مخصوص

قسم رسمي

(في ۹ شباط سنة ۳۱۵ تاريخيه عموم ولايات)
 (استيناف محكمه سي مدعي عموميلرينه ومدعي)
 (عمومي بولنيان محللر مدعي عمومي معاوئلرينه)
 (يازيلان تحريرات عموميه صورتيدر)

جريدة محاكم بكرمي برنجي سنه سي
 اشبو نسخه ايله رسيدة حسن ختام اوله رق
 اوچيوز اون بش سنه سي ابونه لر ينك مدق دخی
 منقضيه اولمش اولديغه بناء بكرمي ايكنجی سنه
 يعني اوچيوز اون التي سنه سنده دخی جريدیه
 ابونه اولمش آرزو ايدنلرك بوجه سابق
 برسنه لك ابونمان بدانی جريدة محاكم اداره سنه

رؤسای محاکم کردن بعضی طرفین
 کوستریلان معامله مسامحه کارانه دن بالاستفاده
 باش کاتبیله کتبه سائرته ایفای وظیفه امرنده
 لایقانه حرکت واعلاماتك وقت وزمانیه تنظیم
 وتسوید اولنامه سندن ناشی اکثری مواد جزاییه
 مرور زمان وقوعه سببیت ویرمک کبی داعی
 مسئولیت احواله محاسرت ایتمکده اولدقلری
 وبوکا قارشوده رؤسای مومی الیه طرفلرندن
 برکونه معامله انتباهیه اتخاذ واجرا قلمامقده
 اولدینی عدلیه مفتشلرندن توارد ایدن لواح
 تفتیشیه مندرجاتندن اکلاشلشدیر مستغنی بیان
 اولدینی اوزره بوحالک دواهی محاکم عدلیهجه
 تمشیت مصالح امرنده مطلوب ومنتظر اولان
 سرعت وجرائم متنوعه فاعل ومرتکبلی حققرنده
 تأدیهات قانونیه تک تعیین واجراسی صورته
 سائرلرینه قارشو کوستریله جک عبرت قضیه
 معتنا بهاسنک تأمین جریانیه مانع اوله جنی جهته
 قطعاً غیرجائز ورؤسای محاکم امور محکمه تک
 هر قسمندن وعلی الخصوص تشکیل محاکم قانونک
 اون اوچجی ماده سی صراحتی ایجابجه ایفای
 وظیفه ده تکاسلی کوریلان کتبه حققرنده مقتضی
 معامله تک تعیین واجرا ایدلماش اولمیسندن
 مسئولیتلری دخی بدیهی وبارز اولمیسنه نظراً

(فی ۲۹ شوال سنه ۳۱۷ وفی ۱۷ شباط سنه)
 (۳۱۵) تاریخیه بالجمله ولایات شاهانه استیناف)
 (مدعی عمومیکلرینه ومدعی عمومی بولنمیان)
 (محاکم مدعی عمومی معاونلرینه یازیلان)
 (تحریرات عمومی صورتیدر)

اعشار ملتزملی ذمتنده بولتان مطلوبات
 خزینته تک تحصیل واستیفاسی امرنده مأمورین
 عدلیه طرفلرندن ایقاع تأخرات ایدلکده
 اولدیغندن بجهت بویاده ایجاب ایدنلره سریعاً
 تبلیغات قطعیه ومؤثره ایفاسی امور مالیه
 قومیسینوی ریاست جلیله سیله مالیه نظارت
 علیه سندن وقوعبولان اشعاره عطفاً وارد اولان
 فی ۶ کانون اول سنه ۳۱۵ تاریخلی تذکره سامیه ده
 امر وازبار بیورلمشدر اعشاردن متولد مطلوبات
 امیریته ذاتاً مقاولات محررلکندن مصدق سنداته
 بوکفالت معتبره به مربوط اولسنه وصورت تحصیل
 واستیفاسی دخی تعلیمات مخصوصه سنده کوستریلان
 وسائط سریعّه قانونیه به تابع بولمسنه بناء مأمورین
 عدلیه تک تعلیمات خارجنده مساعدده کارانه معامله
 اتخاذیه ویاخود ایفای وظیفه خصوصنده تکاسل
 ورخاوت وقوعیه تأخراته سببیت ویرملرینه
 نظر بیقیدی ایله باقیله میهنی درکار اولدیغندن

بعدازین تعلیمات مذکورته اوتوز طقوزنجی
 ماده سی احکامیه مواد محتویّه سائرته سی واصل
 وقانونی دأره سنده ملتزم وکفلاسی ذمتانک
 برکونه تأخیر وتعویقه اوغرا دلقسزین سرعت
 تحصیل واستیفاسی اسبابنک استکمالی ضمتنده
 هان ایجاب ایدنلره تبلیغات قطعیه ایفاسی وخلافی
 حرکتده بولنلر تحت مسئولیه الحق اوزره
 کیفیتک درحال نظارتیه انبای لازم کله جکی
 ولوجل تبلیغ اشبو تحریراتک نسخ مطبوعه
 کافیه سی لفا کوندردلیکی بیانیله شقه مخصوصه
 ترقیم قلندی .

قسم غیر رسمی

پرزرین قصبه سنک الیاس قوفه محله سنده
 مقیم ارزاق عسکریه متعهدلرندن عبدالرحمن اغا
 ایله سوزی محله سنده مقیم بقال مصطفی اغا پیننده
 متحدت دعوایه دائر پرزرین بدایت محکمه سندن
 تجارت صفی و ۱۹ تشرین اول سنه ۳۱۲ تاریخی

و یتش عددی ایله صادر اولان اعلامك تمیزی
مرقوم عبد الرحمن اغا جانبندن استعدا ایدملکه
اعلام مذکور یالکیز مستدعینک اعتراض
لایحه سیله بالمطالعه تدقیقات تمیزیه اجراسته ابدار
اولندی

اعلام مذکورك خلاصه مالی مرقوم
مصطفی اغانك عمر و مالوش نام کسنه لر ذمتلرنده
مطلوبی اولدینی تحقق ایدن معلوم المقدار مبالغك
تحصیلنه دار پرزین تجارت محکمه سندن استحصا
ایتمش اولدینی اعلام استینافاً و تمیزاً دخی تصدیق
ایدلش اولدیفندن محکوم علیهما مرقومان عمر
و مالوشك مقدما اعلام مذکور علیهنده اقامه
ایتدکری استیناف و تمیز دعوالری اوزرینه
کندوسنك وقوعولان قرق بدی لیرا مصارف
حاکمه و ضرر و زیانك مرقومانك سالف الذکر
استیناف و تمیز دعوالرینه کفالت ایدن مرقوم
عبد الرحمن اغادن تحصیلنی طلب و دعوی
و مرقومك استیناف و تمیز دعوالرینه اولان
صورت کفالتنی مبین ایکی قطعه سند ابراز
واعطا ایتسنه قارشو مدعی علیه مزبور عبد الرحمن
اغادخی بوبابده کی کفالتنی اقرار ایله مدعی
مرقوم مصطفی اغا جانبندن درجه اولی اعلامی

موقع اجرایه وضع ایدلسی اوزرینه مبلغ
محکوم بهك گذشته و مصارف محاکمه سیله محکوم
علیه مادن صور مختلفه قسماً و نقداً اخذواستیفای
ایدلش اولدیفنی و بونلر میانده ادعا ایدیلان اون
لیرا اجرت و کالتك دخی دعوی وکیللری
نظامنامه سی احکامنه مغایر بولندیفنی مدافعه
درمیان ایدلسی اوزرینه محکمه جه اجرا قلنان
حاکمه و تدقیقات نتیجه سنده مدعی مرقوم مصطفی
اغانك در سعادت استیناف تجارت و تمیز محکمه لری
مصارفیله اثنای راهده و در سعادتده اقامتی
انساننده صرف ایدلکی مبالغدن و محروم قالدیفنی
تجارتندن طولانی کفیل مرقوم عبد الرحمن اغا
ذمتنده یوز درت بحق سیم مجیدی مطلوبی
اولدیفنی تحقق ایتش اولدیفندن مبلغ مذکورك
مرقوم عبد الرحمن اغادن حسب الکفاله تحصیلنه
حکمدن و مستدعی تمیز عبد الرحمن اغانك اشبو
حکم علیهنده لایحه سنده محرر اعتراضاتك
باشلوجه سی محکمه تمیز جه تشکیل طرفین
معامله سی اجرا اولنمیردی بالجمله دعاوی تمیزیه نك
اوراق اوزرینه تدقیقی ایفا قلمقده اولمسیله مرقوم
مصطفی اغانك اجرت و کالت و سائر حقنده کی
صرفیایله عودت و عزیمت مصارفاته و بوبابده کی
ضرر و زیانه محل قالمیه جنی امور بدیهیه دن

رجوع ایتك اوزره اول امرده مستدعی تمیز
عبد الرحمن اغادن اخذینه ۱۰ حزیران سنه ۳۱۳
تاریخنده متفقاً قرار ویرلدی .

بولندیفنی حالده محکمه جه مصارف مجبوره نك دخی
صحیح الوقوع عدیلله برمنوال محرر محکومیتی
طرفه کیدلسی بولسز و مغایر قانون اولدیفندن
بمثله اعلام مذکورك نقضی استدعاسندن عبارت
بولنمشدر

ایجابی مذاکره اولندقدده اعلام مذکور
مألندن منقهم اولدیفنی اوزره مرقوم مصطفی اغا
لازمکلان لایحه جوابیه یی محلی بدایت محکمه سنده اعطا
ایله اکتفا ممکن بولندیفنی حالده محکمه مذکورجه
تحت حکمه النان مصارف محاکمه میانده خصم لری
طرفندن تمیز دعوی اولدیفندن طولانی در سعادتده
عزیمت و عودت و مدت اقامت ایچون مصارف
و مدت تعطیلیه ضرر و زیانی دخی ادخال ایدلسی
بولسز و مغایر قانون بولنمش و مستدعینك باشلوجه
اعتراضی ایسه بوجهته متدائر اوله رق شایان
قبول کورنمش اولدیفندن اصول محاکمه حقوقیه
قانوننك ایکوز اوتوز ایکنجی ماده سی موجبجه
اعلام مذکورك نقضیه قانون مذکورك ایکوز
قرق در دنجی ماده سی حکمنه توفیقاً کیفیتك
صورت مشروحه داره سنده بالرؤیه اعلامه ربطی
ضمننده محکمه مذکوریه اعاده سنده وزیرده
مفرداتی مرقم اوچوز سکسان سکز بحق غروش
مصارف تمیزیه نك ایلروده حقسنر جیقه حق طرفه

انطالیه در مقیمه عثمان افندی زوجه سی حنیفه
خانم ایله خزینه جلیله مالیه یتسنده متکون
دعویاه دار تسکه بدایت محکمه سندن ۴ کانون اول
سنه ۳۰۹ تاریخی و سکسان بش عددی ایله
ویریلان اعلامك مومی الیها حنیفه خانم طرفندن
تمیزی استعدا ایدملکه باش مدعی عمومیک
مأموریت علیهنك مطالعه نامه سی الندقدن صکره
اعلام مذکور طرفینك اعتراض و جواب
لایحه لریله بالمطالعه تدقیقات تمیزیه اجراسته ابدار
اولندی

اعلام مذکورك خلاصه مالی مومی الیها
حنیفه خانم انطالیه نك بالی بك محله سنده واقع
برباب خانه ایله سولکلیر قریه سنده کائن برطاش
دکرمی التی سنه مقدم زوجی عثمان افندی
ذمتنده اولان مطلوبی مقابلنده اشترا ایدرک

سکز سنه سنده در عهده والتزام ایلدیکی والیوم
التشبیك غروش راده سنده بورجلی بولندیغی
اعشاره ذکر اولنان خانه ودرکمنی اعشار
نظامنامه سی موجب اعتبار مالی اوله رق ارايه
ایلش اولدیغی کندی اقرار واعترافله ثابت
اولمش وسالف الذکر دکرمنک یری ايله درت
دوم چارلق اراضی امیریهدن بولمق حسیله
بیع و فراغی اراضی قانوننامه سی موجب اذن
صاحب ارضه متوقف بولندیغی کی مذکور
سنده هبه ایلدیکی حکایه اولنان خانه حقده
دخی شرائط هبه موجود بولندیغی جهته
هبنک دخی عدم حتی تعین ایلش اولدیغندن
مدعیه نک انف البیان منزل ودرکمن حقلرنده کی
استحقاق ادعاسنک ردینه حکمدن ومستدعی تمیز
مومی الیها حیفه خانمک اشبو حکم علیه
لایحه سنده محرر خلاصه اعتراضاتی زوجی عثمان
اندینک برزسد مندرجاتی تصدیق واول صورته
کندیسنه فروخت ایتدیکی حضور محکمه ده
اعتراف ایتدیکی حالد محکمه مذکور هبه بواقراره
عدم قناتله برابر شهود شخصیه ايله اثبات مدعا
ایده چکی حقده کی طلبنک دخی نظر دفته النامه سی
مغایر قانون اولدیغی بیانیله اعلامک نقضی ولایحه
جوابیه مندرجاتی دخی اعتراضات مسروده نک

اولزماندن برو بلا نزاع تحت تصرفده بولندیغی
حالد مجرد سند رسمی النامش و مذکور خانه
ودکرمنک الیوم اراضی وورکو قلمرنجه زوجی
عثمان افندی اوزرنده مقید بولمش اولسی
سررشته سیله بوکره زوجی مومی الیهک ذمته
قارشو خزینة جلیله جانبندن تحت حجزه النمش
اولدیغندن بحثله حجز واقعک فکنی طلب وادعا
وبرقطعه مبیاعه سندی ابراز واعطا ایتسنه قارشو
مدعی علیه خزینة جلیله وکیلی راشد افندی دخی
مذکور خانه ودرکمن اراضی وورکو قلمرنجه
مدعیه نک زوجی اوزرنده مقید اولسی جهته
اعتبار مالیسی بونکله تظاهر ایدرک بوکا استناداً
اوچوز سکز سنه سنده زوجی مومی الیه اعشار
احاله قلندیغی و قیودات رسمیه قارشو سند
مذکورک حکمی اوله میه جنی جهته ادعا
واقعک ردینی مدافعه درمیان ایلسی و محکمه ده
جلب اولنان خانم مومی الیهانک زوجی عثمان
افندی دخی دکرمن و خانیه زوجیه سی مدعیه
مزبوریه ویردیکی وسند مذکور کندوسنک
بولندیغی بیان ایتسی اوزرنده جریان ایدن محاکمه
وتدقیقات نتیجه سنده مبرز سندک برسد عادی
اولوب قیودات رسمیه قارشو حکمسز بولمش
ومع مافیه مدعیه نک زوجی عثمان افندی و اوچوز

واهی و بی اساس ایدوکی بیانیله ردی و موافق
اصول وقانون اولان اعلام مذکورک تصدیقی
استدعاسندن ومطالع نامه مذکور مندرجاتی دخی
زوجی عثمان افندی نک التزام معاملاتندن خزینة
جلیله میه مدیون بولندیغی مبالغک تحصیل
واستیفاسی ضمنده تحت حجزه النمش اولان
خانه ودرکمن و اراضی اقدجه مرقوم طرفندن
کندوسنه هبه ایلش اولدیغندن بحثله ادعا
استحقاق ایدن مدعیه نامنه مقید اولدیغندن ادعا
واقعک ردی جهته توسل اولمش ایسه ده هبه
اولنان عقاردن خانه املاک صرفه دن اولمق
اعتباریله طرفینک ایجاب وقبولیه واهبک
ملکنندن چیقوب موهوب لهک ملکنه داخل
اوله جفندن معاملات قیودیه سنک اجرا ایدلماش
اولسی عقد مذکوری نخل اوله میه جفندن ملک
مذکور حقده حجزک فکی لابد اولدیغی حالد
بوجهت تقریق ایدلماش و بناء علیه لایحه ده
درمیان ایدیلان اعتراضات بوجهته قسماً بجا
کورلمش اولدیغی بیاندن عبارت بولمشدر
ایجابی لدی المذاکره اعلام مذکور مآلندن
اکلاشلدیغی اوزوه مزبوره خیفه نک برقطعه
سند موجب ملک مشتراسی اولدیغی ادعا
ایلدیکی اموال غیر منقوله میانده املاک صرفه

دخی اولسنه واملاک صرفه نک بیع وهبه سی
طرفینک ایجاب وقبولیه منعقد اولوب مأمورینک
اذنه محتاج اولماسنه نظراً مزبوره خیفه نک املاک
صرفه حقده کی ادعاسی ومضمون سندی بیته
شخصیه ايله اثبات ایلدیکی صورته مدعاسنک
تحت حکم النمش لازم کلور ایکن محکمه ده
بویولده برینه ارا تفسزین و شرائط هبه حقده
محاکمه اجرا سیله قفی شرطک اکسیک ایدوکی
تحقق ایتکسزین مجرد مأمورینک اذن ورایی
منضم اولدیغندن واملاک حقده دخی شرائط
هبه موجود اولدیغندن بحثله خانم مومی الیهانک
کرک اراضی وکرکسه املاک صرفه حقده کی
ادعاسنک ردینه حکم ایلسی یولسز ومغایر
قانون اولدیغندن اصول محاکمه حقوقیه قانونک
ایکیوز اوتوز ایکنجی ماده سی موجب اعلام
مذکورک نقضیه قانون مذکورک ایکوز قرق
دردنجی ماده سی حکمه توفیقاً کیفیتک قانون
داره سنده بالرؤیه اعلامه ربطی ضمنده محکمه
مرقومیه اعاده سنه وزیرده مفرداتی مرقم اوچوز
الی طقوز بحقی غروش مصارف تمیزیه نک
بعده حقسز حقیقه جق طرفه رجوع ایتک
اوزره اول امرده مستدعی مومی الیه خیفه

خانمندن اخذینه ۱ کانون ثانی سنه ۳۱۲ تاریخنده
متفقاً قرار ویرلدی .

وانك شعبانيه محله سی اهالیسندن حاجی
بکر اغا زاده عارف اغا ایله مالیه خزینۀ جلیله سی
بیننده متکون دعوایه دار محمودی قضاسی بدایت
محکمه سندن ۱۱ مارت سنه ۳۰۳ تاریخی و بر
عددی ایله صادر اولان اعلام مومی الیه عارف
اغا طرفندن تمیز اولمغله باش مدعی عمومیلک
مأموریت علیه سنك مطالعه نامه سی التقدن صکره
طرفینك اعتراض وجواب لایحه لرله بالمطالعه
تدقیقات تمیزیه اجرا سنه ابتدار اولندی

اعلام مذکورك خلاصۀ مالی مزبور
عارف اغانك پدری متوفی حاجی بکر اغانك
ظاهره اخراج اولسان درتیوز بش رأس اغنام
مکتومه سندن ایکی قات رسم استحصالی محلی
مجلس اداره سندن تحت قراره التمش ایسه ده
مومی الیه عارف اغا قرار مذکوری عدم قبول
ایله محمودی قضاسی بدایت محکمه سنه مراجعتله

اعشار مأموری سابق مصطفی افندی علیه اقامۀ
دعوی ایتیمی اوزرینه عند المحاکمه اغنام
مذکورك مکتومیتی ثابت اوله مدینی جهته
طلب اولتان رسمك عدم تحصیل اولتمش
ایسه رد واعاده سنه دار ویریلان اعلام وجاهی
علیهنده خزینۀ جلیله طرفندن شخص ثالث
صفیله اعاده محاکمه استدعاسی اعطا قلمسوی
ولاجل المحاکمه اولسان دعوتۀ مرقوم عارف اغا
جانبندن اجابت ایدلامسی اوزرینه وکیل مسخر
حضوریه جریان ایدن محاکمه وتدقیقات نتیجه سنه
مذکور درتیوز بش عدد رأس اغنامك کتم
واخفا ایدلیدیکی شهادت واقعه ایله تحقیق ایتدیکندن
مجاهلک بیک سکزیوز اون سکزیجی و اغنام
تعلیماتنك اون برنجی ماده لرینه توفیقاً ایکی قات
رسم ایله مصارف محاکمه اوله رق بشیوز طقسان
بش غروشك اغای مومی الیهدن اخذینه قرار
ویرلیدکندن واشبو حکم علیهنده مستدعی تمیز
عارف اغانك باشلوجه اعتراضاتی اعلام معاد علیه
اعاده محاکمه وتمیز مدتتری مرور ایدرك کسب
قطعیتم ایدلکدن صکره اعاده محاکمه استدعاسنه
تثبت اولندیفی درکار و بناء علیه عرضحال
مذکورك رد ایدلمسی اشکار ایکن محکمه جه
بوراسنك نظر دفته التماسی مغایر قانون

اولدیغندن بحثله اعلام مذکورك نقضی ومدعی علیه
خزینۀ مشار الیه وکیلی فائق افندی طرفندن
ویریلان لایحه جوابیه مندرجاتی دخی اعتراضات
مسروده نك واهی و بی اساس اولوب موافق
اصول وقانون اولان اعلام مذکورك تصدیق
وانف الیان مطالعه نامه مفادی دعوا ی واقعه
اعاده محاکمه طریقله رؤیت اولتمش ایسه ده اعاده
محاکمه استدعاسنك قبولی قننی ماده قانونیه
توفیق ایدلمش اولدینی ذکر اولمغله مبنی
اعتراضات واقعه نك موافق قانون اولدینی بیانندن
عبارت بولمشد

ایجابی مذاکره اولندقدۀ اعلام مذکور
مأئندن منقهم اولدینی اوزره دعوا ی واقعه
حقنده اعاده محاکمه طریقله جریان ایدن محاکمه
اوزرینه مومی الیه عارف اغانك پدری متوفی
حاجی بکر اغانك اغنام مکتومه سندن طولایی اغای
مرقومك ایکی قات رسوم ایله محکومیتی تحت
قراره التمش اولوب انجیق بومقوله اعاده محاکمه
استدعاسی ویرلکدن صکره معاد علیه دخی جلب
اوله رق طرفین مواجهه سنه اسباب اعاده بیان
واثبات اولندقدن صکره اعاده محاکمه قرار
ویریلوب اکا کوره ایجابنك اجراسی اقتضا
ایدر ایکن معاد علیه جلب اولتمسزین یالکز

طرسوس قصبه سنده مقیم تاجاردن الماحی
اوغلی حاجی نیقوله ایله قصبۀ مذکورده ساکن
ارستیدی قلامو بیننده متحدث دعوایه دار مرسین
بدایت محکمه سندن ۱۳ حزیران سنه ۳۱۲ تاریخی
واون عددی ایله استینافاً ویریلان اعلام مرقوم
نیقوله طرفندن تمیز ایدلمکله اعلام مذکور
یالکز مستدعی تمیزك اعتراض لایحه سیله بالمطالعه
تدقیقات تمیزیه اجرا سنه ابتدار اولندی

اعلام مذکورك خلاصه مالى مزبور
ارستيدى قلامو كندوسيله صابونجى نام كمنهك
كفالتلريله بربر سليمان اوغلى ابراهيم اغانك
درعهده والتزام ايلديكى تكفور قريه سنك اوچيوز
طقوز سنه سى اعشارى مؤخرأ ملتزم مرقوم
الماجى اوغلى مرقوم نيقوله به دورأ بيع ايتمش
اولديغندن اعشار مذكوره بدلندن مطلوبى
بولنان يوز يكرى سكر ليرا ايله نقدأ ايفاسى
مشروط اولان ايكي بيك اوچيوز اللى غروشك
مرقوم نيقوله دن تحصيلى طلب ودعوى ايتمنه
مبنى محكمه مرقومه به عن الغياب سبق ايدن
حماكه وتديقانده مبلغ مذكورك مزبور نيقوله دن
تحصيليله مال صندوقه تسليمه دائر صادر اولان
اعلامك عند الاعتراض تصديقتى متضمن محكمه
مذكوره دن اعطا قلنان اعلام حكمنه مرقوم
نيقوله طرفندن عدم قناعتله استيناف دعوى
ايدلمش ايسه ده مستأنف مرقوم اولبايدهكى
استيناف دعواسى اون التى ماه مدت تعقيب
ايتديكى جهتله مستأنف مرقومك دعوای
استينافيه دن سقوطى مستأنف عليه مرقوم
با عرضحال طلب ايتمش وفى الحقيقه مرقوم
نيقولهك مدت مذكوره ظرفنده تعقيب دعوى
ايتديكى بالتدقيق اكلاشلمش اولديغندن اصول

محماكه حقوقيه قانونك يوز طقسان دردنچى
ماده سنه توفيقاً مرقوم نيقولهك حق استينافدن
سقوطنه حكمدن ومستدعى تمیز نيقولهك اشبو
حكم عليهنده لايحه سنده محرر اعتراضاتك
باشلوچه سى كندوسى مدت مذكوره ظرفنده
تعقيب دعوى ايدمه مامش ايسه ده محكمه به اشبو
عدم تعقيب خصوصك بركونه معذرت مشروعه به
مستند بولنوب بولمديغتك تدقيق ايدلمش لازم
كلور ايكن بلا تدقيق حق استينافدن سقوطنه قرار
ويرلمش مغاير قانون اولديغندن بحثله اعلامك
نقضى استدعاسندن عبارت بولمشدر

ايجابى مذاكره اولندقده اعلام مذكور
مندرجانندن اكلاشلمش اوزره مستأنفك اون
التى ماه تعقيب دعوى ايتماسى اوزرينه اولبايدهكى
استيناف استدعاسنك رديله دعوای استينافيهك
سقوطنه حكم اولتمش ايسه ده اصول محماكه
حقوقيه قانونك يوز طقسان دردنچى ماده سى
موجبجه بومقوله مستأنفى طرفندن تعقيب اولتمش
دعوالر حقنده مستأنف عليه طرفندن محكمه به
برقطعه عرضحال اعطا وانك اوزرينه طرفينك
جلب واستجوابى اجرا ايديله رك مستأنفك تعقيب
دعوى ايتماسى بركونه معذرت مستند اولمدينى
ثابت اولدينى صورتده رد استدعا به قرار ويرلمك

ايجاب ايدر ايكن محكمه به بوجه مشروح معامله
ايدلمكسزین رد استدعا به قرار ويرلمش يولسز
ومغاير قانون بولتمش اولديغندن اصول محماكه
حقوقيه قانونك ايكي يوز اوتوز ايكنجى ماده سى
موجبجه اعلام مذكورك تقضيله قانون مذكورك
ايكي يوز قرق دردنچى ماده سى حكمنه توفيقاً
كيفيتك بوجه مشروح اعلامه ربطى ضمننده
محكمه مذكوره به اعاده سنه وزيرده مفرداتى مرقم
درتيوز اوچ بحق غروش مصارف تميزيهك
ايلروده حقسز چقه حق طرفه رجوع ايتك
اوزره اول امرده مستدعى تمیزدن اخذينه ۱۸
شباط سنه ۳۱۲ تاريخنده متفقاً قرار ويرلدى :

اعلام مذكورك خلاصه مالى متوفى مانوق
افندى ورته سى مشار اليه سيموناكى افندى
انسطاش ايلبادينك حلب ولايتك اوچيوز
واوچيوز برسته لرى اموالندن تسويه اولتمش اوزره
ماليه نظارتندن المش اولدينى اللى درت بيك بشيوز
اوتوز يدى غروشلق برقطعه حواله نامه سى
بركونه ايليشك ظهور ايدر ايسه اخذ ايلديكى
اوچيوز يتمش برعدد عثمانلى ليراسيله التمش سكر
غروشك فاضيله اعاده وتأديه ايتك اوزره
برقطعه مقاوله سندن موجبجه مورثلرينه حال
حياتنده فروخت ايدرك مبلغ مذكورى تماماً
اخذ ايلش ومذكور حواله نامهك ايليشكى
ظهور ايدرك بدلى تأديه ايدلمكسزین ولايت
مشار اليه دن اعاده قلمش ومتوفى مرقوم مبلغ
مدعاك فاضيله برابر مشار اليه سيموناكى

بك اوغلنده مكاتبز قاغنده نومروسز خانه ده
ساكنه متوفى ارسلانيان مانوق افندى ورته سندن
زوجه سى قايىانه وكريمه لرى اوديان ومقروهى
واسقوهى قادينلرله مخدوملرى كيفورق وكروپه
افنديلر ايله غلطه ده مادر خاننده مقيم باب
سرعسكرى متعهدلرندن سينوس اوغلى سعادتلو
سيموناكى افندى حضرتلرى بيننده متحدث

افندیدن تحصیلنه دأر ایکنجی محکمه تجارندن
استحصال ایلدیکی اعلام استینافاً دخی تحت تصدیقه
التمش ایسهده اخیراً وقوعبولان تمیز دعواسنده
خصوص مدعانک حقوق عادیه دن اولدیفنه قرار
ویرلمش اولدیفندن مبلغ مذکورک فائضیه محکمه
تجارته ویریلان مصارف محاکمه وسائر نک برلکده
مشار الیه سیمونا کی افندیدن اجرای موقوفه
تحصیلی بک اوغلی بدایت محکمه سی ایکنجی حقوق
دأرسته مراجعتله طلب ودعوی و تنویر مدعا
ضمتده سالف الذکر تمیز واستیناف محکمه لری
اعلاملری ایله حواله نامه یی ابراز و اعطا ایتسه قارشو
مشار الیه سیمونا کی افندی دخی مذکور حواله
نامه یی صائمش و بمقوله حواله نامه لر عرف بلده
اوله رق بین التجار النوب صائلقده اولدیفندن
ومتوفای مرقوم دخی حواله قبول ایلدیکندن
منعقد اولان حواله دن نکول ایله بدلنی استرداد
ورنه نک حق و صلاحیتلری اوله میه جغنی و ایلیشک
بخته کلجه مالیه خزینه سی اصل حواله نامه ده
اسمی محرر اولان انسطاش ایلیادینک کویا
طوبخانه ده محترق صحنه ایجارندن بورجی
اولدیفندن بمثله بر ایلیشک اسناد ایتسندن طولای
حواله بدلنی تسویه ایتماش ایسهده مرقوم
ایلیادی بوبابده بر اچه بورجی اولدیفنه دأر خزینه

دعوی مذکوریه برکونه تعلق اولدیفنی جهته
خصوص مدعانک محکمه مذکوریه حواله سی
حقنده کی طای قانوناً شایان قبول کوریه مدیکندن
مدافعه واقعه نک ردیه بر موجب سند و اقرار
مدعا به او چیوز یتش بر لیرا التمش سکز غر و شک
ایام ماره گذشته سیله معاً مدعی علیه سیمونا کی
افندیدن تحصیلیه ورثه مومی الیهیمه تسلیمه
واجرای موقت ادعاسنک ردیه دأر محکمه
مذکورده دن ویریلان اعلامک عند الاستیناف
تصدیق یولنده صادر اولان قرار علیهده
مشار الیه سیمونا کی افندی طرفندن اعطا قلنان
اعاده محاکمه استدعای اوزرینه جریان ایدن
محاکمه و تدقیقات استینافیه نتیجه سنده متوفای
مرقوم مانوق افندی مجبوت عنه حواله نامه یی
صاحب حقیقی سی اولدیفنی کتم ایدرک صاحب
اولی بولنان انسطاشا کی ایلیادی افندیکن و کیلی
صقتیه سرکی به تحویل ایتدیرمش اولدیفنی مالیه
نظارت جلیله سنک مبعوث تذکره جوابیه سنه
مربوط اولان استدعانک صورت مصدقه سی
مأئیدن اکلاشلش اولدیفندن اصول محاکمه
حقوقه قانوننک ایکی بوز ایکنجی ماده سی موجب
اعاده محاکمه یی مستلزم بولنش اولدیفندن قانون
مذکورک ایکی بوز اون در دنجی ماده سی موجب

معید محاکمه سیمونا کی افندی طرفندن ویریلان
اعاده محاکمه عر ضحانک قبوله و محکمه استینافیه جه
عقد بیع عد اولنان معامله نک حد داننده عقد
حواله ایدوکی تظاهر ایتش و مذکور عقد
حواله نک مجله نک التیوز سکسان ایکنجی ماده سی
موجبجه منعقد و تمام اولمش واشبو حواله ده
محال له بولنان مانوق افندی ورنه سنک محل اولان
معید محاکمه سیمونا کی افندی به حق رجوعی
ایلیشک ظهوری شرطیه مشروط و مقید اولوب
مذکور حواله نامه ایسه انعقادی اعتباریه بر
ایلیشکی اولدیفنی کی صورت تسویه سی حقنده
دخی سرکی به تحویلی خصوصی محضا متوفای
مرقوم مانوق افندیکن بالرضا واقع اولان طلبندن
ایلوکلش اولدیفندن اصول محاکمه حقوقیه
قانوننک بوز طقسان التجی ماده سی موجب
اعلام مذکورک فسخیه معاد علیهمک معید
محاکمه قارشو معارضه دن منعه حکمندن
و مستدعی تمیزلرک اشبو حکم علیهده لایحه لرنده
محرر اعتراضلرینک خلاصه سی علیهده اعاده محاکمه
استدعای ویریلان اعلام حکمی کسب قطعیت
ایدوب دأره اجرایه تودیع ایدمش و بوخصوص
خصم جانبندن دخی قبول ایدمش و ارادن اون
یدی آی دخی مرور ایتش و عند الاستیناف

تصدیق قلغش اولان بر اعلامك ینه استیناف
محکمه سنجه اعاده باقلسنه دأر جواز قانون یوغیکن
محکمه جه بورالری نظر اعتباره التخصیرین خلاف
صلاحیت اوله رق بئکرار دعوانك رؤیت ایدلمسی
یولسز ومغایر قانون اولدیغندن بختله اعلامك
نقضی استدعاسندن ومدعی علیه سیموناکی افندیك
لایحه سنده مندرج نتیجه اجوبه سی ایسه اعتراضات
مسروده نك واهی و بی اساس اولدینی بیانیله
ردی وموافق اصول وقانون اولان اعلامك
تصدیق طابندن وائف الیسان مطالعنامه مالی
ایسه دعواى واقعه درجات محاکمندن کچهرک
کسب قطعیت ایدیکى تدقیقات واقعه دن اکلانش
وبوکى کسب قطعیت ایدن مقررات اوزرینه یکیدن
تدقیقات اجرا سیله محاکمه سنه کیریشمك
مخالف قانون بولغش اولدیغندن اولبایدکی تمیز
استدعاسنك ردی لازم کله چکی بیانشدن عبارت
بولغشدر

ایجابی مذاکره اولندقدده اعلام مذکور
مطالعاسندن منفهم اولدینی اوزره بوخصوص
حقنسه محکمه مذکور دن مقدما اعطا اولسان
اعلام محکمه تمیزدن تصدیق اولغش اولغله اعلام
مصدق مذکور علیه اعاده محاکمه دعواسی
جائز اولدینی جهتله محکمه استینافیه نك اعلام

اعلان

حمیده دلبر خانمك نوری بك ذمتده بااعلام
الهجنی بولنان مبالغك تأمین استیفاسی ضمتده
تحت حجزه النان اسکدارده سلیمیه محله سنده حمام
زقاغنده بر طرفی سلیمیه محله سی امامی فهمی

افندیك خانه و بانچه سی وارقه طرفی مدیون
مومی الهك پدری مرحوم بهجت بكك بانچه سی
ودیکر طرفی ینه مومی الهك بانچه سی و اوک
طرفی حمام جاده سی و تخمیناً اوچوز آرشون
اوزرینه بنا اولغش والتیوز آرشون بانچه سی
حاوی حرم طرفده اشاغی قانده ایکی اوطه
وبر ابدستخانه وبر صفه وبر مطبخ واوست قانده
ایکی اوطه بر ابدستخانه وبر صفه وسلاملق جهتده
اشاغی قانده ایکی اوطه بر ابدستخانه وبر مطبخ
وبر صفه واوست قانده ینه ایکی اوطه وبر ابدستخانه
وبر صفه وحرم وسلاملق قبولری آرو اولدینی
حالدده مذکور المقدار بانچه ده اشجار مثمره وغیر
مثمره یی حاوی پدری بهجت بکدن ارثاً انتقال ایدن
خانه دن نصف حصه سی تاریخ اعلاندن اعتباراً
اون بش کون صکره بالمزاید اجرا قانوننامه
هایونی احکامنه توفیقاً فروخته مبادرت اولهجنی
اسکدار اجرا داره سندن اعلان اولنور .

۱۴ شباط سنه ۳۱۵

کیرقور پینرجیان افندیك بقال یوان ذمتده
با اعلام الهجنی بولنان مبالغك تأمین استیفاسی
ضمتده تحت حجزه النان اسکدارده سلمان اغا
محله سنده قره جه احمد جاده سنده اوچ طرفی
هاجی ارتین اغالك دکان وعرصه لری و طرف
رابعی طریق عام ایله محدود بر اوطه وبر صفه
وطوان اره سی وبر ابدستخانه یی حاوی کارگیر
اوله رف الی الی التی نومرولی بر باب بقال دکانده
پدری سیموندن انتقال ایده چک یوز یکرمی سهم
اعتباریله متصرف اولدینی بش بحق سهم
عند المزاید لیرا یوز غروشدن بیک اوچوز
الی غروشدده وینه اسکدارده تنبل حاجی محمد
محله سنده سلامی علی افندی جاده سنده بر طرفی
تنبل حاجی محمد زقاغی وبر طرفی مهتدی احمد
افندی منزلی وبر طرفی طاووقی پترینك مرصه سی
و طرف رابعی طریق عام ایله محدود اوچ اوطه
وبر صفه وایکی ابدستخانه وبر مطبخ وبر قیو
وداره چینی حاوی خانه ایله تحتده ایکی باب دکان وبر
اخوز اوله رق یارم کارگیر اوچ اوچ اوچ اوچ
بش و اوچوز یدی نومرولی اوچ قطعه املاکدن
ینه پدری سیموندن انتقال ایده چک یوز یکرمی
سهم اعتباریله متصرف اولدینی بشر بحق سهم

مبادرت اولنه جفی اسکدار اجرا دائره سندن
اعلان اولنور .

۱۴ شباط سنه ۳۱۵

حصه شایعه لری بدیوز الی غروشنده طالبی
عهده سنده تقرر ایدوب تاریخ اعلاندن اعتباراً
برماه ختامنده قرار قطعیسی ویریه جکی جهته
یوزده بش ضمیمه زیاده به طالب اولانلرک مدت
مذکور ظرفنده اسکدار اجرا دائره سنه مراجعت
ایللری اعلان اولنور .

۱۴ شباط سنه ۳۱۵

اطناش ولد ایلانک ریختیجی نیقوله ولد یورکی
قالفه ذمتنده محکوم به اولان اله جفتک تسویه سچون
مدیون مرقومک متصرف اولدینی کدک پاشا
جوارنده چادرچی احمد چلبی محله سنده مسلم
زقاغنده فوقانی و تحتانی درت او طه و برصفه و بر
مطبخ و مشتملات سائره بی حاوی شهری اوچ لیرا
ایجار کتورر بر باب خانه تاریخ اعلاندن اون بش
کون صکره موقع مزایده به قونیه جفتدن اشتراسنه
طالب اولانلرک ودها زیاده معلومات المقی ایستیانلرک
محکمه تجارت اجرا دائره سنه مراجعت ایللری
دائرة مذکورده دن اعلان اولنور .

۱۷ شباط سنه ۳۱۵

لوقه نك اندریا و بوزاویج ذمتنده با اعلام
اله جفی بولنان مبالغك تأمین استیفا سی ضمیمه
تحت حجزه النان قاضی قریه سنده بهاریه زقاغنده
حیدر پاشا جاده سنده بر طرفی چاشویجی
مرمره نك خانه سی و دیگر طرفی اشجی طناشك
خانه سی و بعضاً نومیدی عرصه سی و طرف رابی
طریق عام ایله محدود درت او طه ایله برخلا
و بر مطبخ و بر قیو و کمورلک ایله بر مقدار باغچه بی
حاوی یکر می طقوز نومرو لی مدیون مومی الیهک
متصرف اولدینی اخشاب خانه سی تاریخ اعلاندن
اعتباراً اون بش کون ظرفنده بالمزایده فروخته

مطبعه عامره

